

**Zeitschrift:** L'ami du patois : trimestriel romand  
**Band:** 14 (1986)  
**Heft:** 55

**Artikel:** On minbro di patêjan de la Grevire ou komite di j'emi dou pate fribordze  
**Autor:** Chudan, R.  
**DOI:** <https://doi.org/10.5169/seals-241602>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 19.04.2026

**ETH-Bibliothek Zürich, E-Periodica, <https://www.e-periodica.ch>**

## ON MINBRO DI PATEJAN DE LA GREVIRE OU KOMITE

\* \* \* \* DI J'EMI DOU PATE FRIBORDZE \* \* \* \*

Devindrò 24 d'oktôbre, la Chochyètâ kantonale di j'èmi dou patê fribordzê l'a tinyê ch'n'athinbyâye jènèrale ou Lion d'Ouâ a Dondedi. No j'iran tyè na chaptantanna. On le konprin vu ke l'indrê irè on bokon yin po hou de la Grevîre è de la Vevéje.

Tinyête dè man dè mètre pê Francis Brodâ, prèjidan kantonal è prèjidan reman, l'athinbyâye l'a prê di dèchijyon d'importanthe in yuva de la Fîtha "internationale" di patêjan ke l'arè lyu din nouthron tyinton in 1989.

A.-M. Yerly, chekrètère è bochère, no bayè konyechanthe dou P.-V. de l'athinbyâye jènèrale ke chè tinyête ou Krè in 1984. Pu, i pâchè achtou i finanthe de la chochyètâ k'akujon na fortèna dè Fr. 15'003,40 è on bènèfitho dè Fr. 3'557.- Irè "Le Triolè" d'Epindè k'irè j'ou tsèrdji dè vèrifiyi lè konto.

Le prèjidan, din chon rapouâ, no j'a rapalâ la Fîtha dè Chiro, ha di Kolonbètè, le konkour dè patê, chuto chi di j'infan ke l'è j'ou na vretâbya raouchète, lè lèvro: "Le Patê fribordzê" dè Luvi Pâdze è "Nouthron galé patê" dè Aloys Brodâ è vouthron chèrvetâ, lè "cassettes" è to chin ke chè fê po l'an dou patê 1985.

Mankè pâ dè rèmarhyâ A.-M. Yerly ke n'in d'a atan chu le kà tyè chu lè bré.

"Lè Pekoji" dè Nyon chon tsèrdji dè koupyenâ lè konto po l'athinbyâye ke vin.


L'achichtanthe chè mothrè d'akouâ por on tsandzèmin din lè chtatu. Li-arè di chèanthè dè komité èthindu ke chè konpôjèrè dou komité kantonal è on minbro dè ti lè groupèmin di patêjan de la chochyètâ kantonale.

M. Rimaz, dèputé a Dondedi, l'a j'ou di j'èmâbyè parolè por no è ofrè lè vin d'anà.

Mamejala Lanthmann dè Nèrivouè dèmichené dou komité è l'è rinpyéhya pê Djan Tornâre dè Chorin, on to cholido patêjan. Pu, vin le rapouâ dè ti lè groupèmin è chochyètâ de la Kantonale.

Fîtha dè 1989. Por arouvâ a fére ôtyè d'ache bi tyè chin ke no j'an yu a Chiro, no tâtsèrin d'organijâ ha fîtha avoui lè "Moudè è Kothemè": rindya di tropi, palmarès di konkour dè patê, festival, mècha avoui pridzo in patê. Pu, Francis Brodâ, apri avi rèmarhyâ hou k'èkrijon din lè papê è chuto A.-M. Yerly po la pîthe ke l'a konpôjâ: "Ou ryô dou Bournin", hyou l'athinbyâye, l'è 10.30 j'arè.

R. Chudan



### Chayête a Ballenberg

\*\*\*\*\*



Li-avi grantin k'on-in dèvejâvè in komité. Ma, l'è pâ on piti l'afère d'organijâ ôtyè po na paryè binda. On châ prà ke ti pouon pâ to tyithâ por alâ lou promenâ ma on dichpôjâvè tyè d'ouna chenanna apri la rintrâye di biyôtè d'ichkrip-

chyon po chavê vouére dè kâr no fudrê kemandâ. L'è pochin ke no j'an pâ pu prindre lè G.F.M. è ke no j'an du no j'adrèhyi a la Méjon Crottaz dè Bussigny.

Faji bi chi dechando 6 dè sèptanbre. Na vouètantanna dè minbro in dzakiyon è in bredzon, ti dzoyà è redyè, bènirâ ko di tyinchon, iran prè po lou j'inbriyâ tantyè ou fin fon di j'Alemanye kemin dejê nouthron tan règrètâ Tobidi-j'èlyudzo. Le chèlà l'i alâvè dè chè ré bourlin ke rètsoudâvan atan le kà tyè lè prâ è lè dzà.

Apri on bon kâfé a Interlaken, lè kâr grapechon tantyè a Ballenberg, chi velâdzo fê dè méjon dè ti lè tyinton. On vê achtou di groupe lou formâ por alâ deché delé a la dèkouvêrta di retsèthe ke nouthrè brâvo j'anhyan l'an j'ou la hyinthe dè vouèrdâ po le pyéji dè nouthrè j'yè. Totè